

## Izveštaj o radu Uprave policije MUP-a Kantona Sarajevo za APRIL 2023. godine

### KRIMINALITET

#### STATISTIČKI POKAZATELJI

U mjesecu aprilu 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 296 događaja s obilježjem krivičnog djela (što je jedan događaj ili 0,3% više u odnosu na isti mjesec prethodne godine).

Od ukupnog broja registrovanih događaja s obilježjem krivičnog djela, 125 ili 42,2% evidentirano je po poznatom izvršiocu, a 171 ili 57,8% po nepoznatom izvršiocu.

Naknadno je rasvijetljeno 80 događaja s obilježjem krivičnog djela evidentiranih po nepoznatom izvršiocu ili 46,8% (što je za 22,5% više u odnosu na uporedni mjesec) od čega je 46 događaja prijavljeno u aprilu, a 34 u ranijem periodu.

Uprava policije MUP Kantona Sarajevo je nadležnim tužilaštvima prosljedila na odluku putem administrativnog djelovodnika ukupno 151 obavijest (četiri manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU APRILU 2023/22. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>APRIL 2023. GODINE</b>	<b>296</b>	<b>125</b>	<b>171</b>	<b>80</b>	<b>34</b>	<b>200</b>	<b>5</b>	<b>104</b>	<b>97</b>	
APRIL 2022. GODINE	295	147	148	36	31	173	0	96	66	
uporedba	+/-	1	-22	23	44	3	27	5	8	31
	%	0,3%	-15%	15,5%	122,2%	9,7%	15,6%	---	8,3%	47%

Prijavljeno je 200 lica (27 više), od kojih su 104 povratnika u vršenju krivičnih djela (osam više) (ili 52% od ukupnog broja prijavljenih lica), pet maloljetnika (nije bilo u uporednom mjesecu), a 97 lica je lišeno slobode (31 više).

Za događaje sa obilježjem krivičnog djela, koji su evidentirani u aprilu 2023. godine, prema izjavama oštećenih lica, nastupila je materijalna šteta u ukupnom iznosu od 475.204,00 KM (u mjesecu aprilu 2022. godine, materijalna šteta iznosila je 464.270,00 KM).

**PREGLED DOGAĐAJA SA OBILJEŽJEM KRIVIČNOG DJELA U MJESECU APRILU 2023/22. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a**

KZ FBiH-a i KZ BiH-a	APRIL 2023. GODINE	APRIL 2022. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
PROTIV ŽIVOTA I TIJELA	<b>13</b>	13	0	isto	10	3	4	133,3%
PROTIV SLOBODE I PRAVA ČOVJEKA I GRAĐAN.	<b>17</b>	8	9	112,5%	17	0	0	---
PROTIV SPOLNE SLOBODE I MORALA	<b>5</b>	1	4	400%	5	0	0	---
PROTIV BRAKA, PORODICE I MLADEŽI	<b>22</b>	18	4	22,2%	22	0	0	---
PROTIV ZDRAVLJA LJUDI	<b>32</b>	29	3	10,3%	32	0	0	---
PROTIV PRIVREDE, POSLOVANJA I SIGURN...	<b>2</b>	0	2	---	2	0	0	---
PROTIV IMOVINE	<b>171</b>	182	-11	-6%	17	154	68	44,2%
PROTIV OPĆE SIGURNOSTI LJUDI I IMOVINE	<b>12</b>	13	-1	-7,7%	2	10	5	50%
PROTIV SIGURNOSTI JAVNOG PROMETA	<b>4</b>	11	-7	-63,6%	4	0	0	---
PROTIV PRAVOSUĐA	<b>2</b>	2	0	isto	0	2	0	0%
PROTIV JAVNOG REDA I PRAVNOG PROMETA	<b>10</b>	8	2	25%	8	2	3	150%
PROTIV PODMIČIVANJA I KD PROTIV SLUŽBENE I ODGOVORNE FUNKCIJE	<b>4</b>	4	0	isto	4	0	0	---
PROTIV ČOVJEČNOSTI I VRIJEDNOSTI ZAŠTIĆENIH MEĐUNARODNIM PRAVOM (KZBiH)	<b>0</b>	2	-2	----	0	0	0	---
DOGOVOR, PRIPEMANJE, UDRUŽIVANJE I ORGANIZIRANI KRIMINAL (KZBiH)	<b>1</b>	0	1	---	1	0	0	---
ZOSNINPNSP-a (Sl. novine Kantona Sarajevo br. 7/07)	<b>0</b>	1	-1	---	0	0	0	---
ZONDINOIM-a (Sl. novine Kantona Sarajevo br. 01/18)	<b>1</b>	3	-2	-66,7%	1	0	0	---
<b>UKUPNO</b>	<b>296</b>	295	1	0,3%	125	171	80	46,8%

U aprilu 2023. godine, u odnosu na isti mjesec prethodne godine, zabilježeno je neznatno povećanje broja registrovanih događaja sa obilježjem krivičnog djela za jedan ili 0,3%.

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom aprila 2023. godine evidentirano je 13 događaja sa obilježjem krivičnog djela iz oblasti protiv života i tijela (isto kao u aprilu 2022. godine) i to deset po poznatom i tri po nepoznatom izvršiocu. Evidentirani su sljedeći događaji:

- teška tjelesna ozljeda (član 172. KZ FBiH) – četiri (jedan više) i
- lahka tjelesna ozljeda (član 173. KZ FBiH) – devet događaja (jedan više).

Nadležnom tužilaštvu podneseni su službeni izvještaji protiv 14 lica, od koji su tri povratnika u vršenju krivičnih djela ili 21,4%, a dva su lišena slobode.

**1.2.2. PROTIV SLOBODE I PRAVA ČOVJEKA I GRAĐANINA**

Iz ove oblasti evidentirano je 17 događaja sa obilježjem krivičnog djela (devet više) i to: ugrožavanje sigurnosti – 15, otmica i neovlašteno optičko snimanje – po jedan događaj, za koje je prijavljeno 18 lica od kojih je deset povratnika (ili 55,6%) u činjenju krivičnih djela, a pet lica je lišeno slobode.

## PROTIV BRAKA, PORODICE I MLADEŽI

Iz oblasti protiv braka, porodice i mladeži u aprilu su evidentirana 22 događaja sa obilježjem krivičnog djela (četiri više) i to: nasilje u porodici – 21 i oduzimanje djeteta ili maloljetnika – jedan događaj, za čije izvršenje su prijavljena 23 lica, od kojih je šest povratnika (ili 26,1%), a 13 lica je lišeno slobode.

## PROTIV ZDRAVLJA LJUDI

Evidentirana su 32 događaja sa obilježjem krivičnog djela iz oblasti protiv zdravlja ljudi (tri više) i to:  
- neovlaštena proizvodnja i stavljanje u promet opojnih droga (čl. 238. KZ FBiH) – jedan i  
- posjedovanje i omogućavanje uživanja opojnih droga (čl. 239. KZ FBiH) – 31 događaj.

Nadležnom tužilaštvu podneseni su službeni izvještaji protiv 34 lica, među kojima je 21 povratnik (ili 61,8%), a 24 lica su lišena slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv dva lica, zbog postojanja osnova sumnje da su u proteklom periodu u više navrata kupovali opojnu drogu marihuanu, i amfetamin, od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime su počinili krivično djelo /član 238. KZ FBiH/ Neovlaštena proizvodnja i stavljanje u promet opojnih droga i protiv 32 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (marihuana, heroin, speed, itd.) čime su počinili krivično djelo /član 239. KZ FBiH/ (Posjedovanje i omogućavanje uživanja opojnih droga).

## PREGLED ODUZETE KOLIČINE OPOJNIH DROGA U MJESECU APRILU 2023/22. GODINE

vrsta opojne droge	APRIL 2023. godine	APRIL 2022. godine
Marihuana (paketići)	16	7
Marihuana (u gramima)	147,482	4.173,335
Speed (u gramima)	105	---
Speed (paketići)	45	12
Heroin (u gramima)	0	116,3
Heroin (paketići)	3	1
Amfetamin (paketići)	0	2
Amfetamin (u gramima)	27,318	13,682
Cannabis (sjemenke)	0	1.000
Cannabis (stabljike)	2	156
Ecstasy (u tabletama)	46	---
Ecstasy (u gramima)	28,392	---
pribor sa tragovima droge (komada)	4	6

## PROTIV IMOVINE

Evidentiran je 171 događaj sa obilježjem krivičnog djela protiv imovine (17 po poznatom i 154 po nepoznatom izvršiocu) što je za 11 ili 7,7% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 74 (osam manje),
- krađa (član 286. KZ FBiH) – 51 (15 manje),
- oštećenje tuđe stvari (član 293. KZ FBiH) – 31 (11 više),
- razbojništvo (član 289. KZ FBiH) – šest (jedan više),
- prijevara (član 294. KZ FBiH) – pet (tri više), itd.

Nadležnom tužilaštvu podneseni su službeni izvještaji protiv 66 lica, od kojih je 48 povratnika (ili 72,7%), a 30 je lišeno slobode.

Od ukupno 154 događaja evidentirana po nepoznatom izvršiocu iz oblasti protiv imovine naknadno je rasvijetljeno 68 ili 44,2% (što je za 20,6% više u odnosu na april 2022. godine).

Tokom aprila, prema objektima izvršenja teških krađa, 22 su izvršene u motorna vozila (otuđenja motornih vozila i “provale” u ista - 13 više u odnosu na uporedni mjesec), 21 u stambene objekte (21 manje), 20 u poslovne objekte (sedam manje), pet na ulici (dva više), itd.

Tokom aprila, evidentirano je otuđenje četiri motorna vozila (jedno više u odnosu na uporedni mjesec), kao i pronalazak i vraćanje pet vozila (dva vozila su otuđena u ranijem periodu).

Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv dva lica.

Evidentiran je 51 događaj sa obilježjem krivičnog djela krađe (15 manje) i to na ulici – 26 puta, u poslovnim prostorijama – 15, u stambenim objektima – četiri, u vozilima i na stajalištima GRAS-a – tri, itd. odakle su otuđivani novčanici, mobiteli, prehrambeni proizvodi, kozmetika, bicikli, nakit, itd.

Evidentirano je pet događaja sa obilježjem krivičnog djela teških krađa na naročito opasan ili naročito drzak način (dva više), u kojima su izvršiocu, upotrebom fizičke snage (otimanjem i trganjem) otimali mobitele i novčanike, a evidentirani su: na ulici – četiri puta i u poslovnom prostoru – jedan. Nadležnom tužilaštvu podnesen je službeni izvještaj protiv jednog lica, povratnika u činjenju krivičnih djela.

U mjesecu aprilu ove godine evidentirano je šest događaja sa obilježjem krivičnog djela razbojništva (jedan ili 20% više) i to na području slijedećih općina: Novo Sarajevo – tri (jedan više), Centar – dva (isto) i Ilidža – jedan događaj (isto). Nadležnom tužilaštvu podneseni su službeni izvještaji protiv tri lica, povratnika u činjenju krivičnih djela, koja su lišena slobode.

Razbojništva su izvršena prijetnjom upotrebe vatrenog oružja – dva puta, prijetnjom upotrebe noža ili drugog oštrog predmeta – dva i upotrebom fizičke snage – dva puta, a počinjena su u prodavnicama – tri puta, u sportskim kladionicama - dva i u stanu – jednom. Otuđivan je novac i mobiteli.

Ukupno su rasvijetljena tri događaja sa obilježjem krivičnog djela razbojništva, prijavljena u ranijem periodu.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 12 događaja (jedan manje) izazivanje opće opasnosti. Nadležnom tužilaštvu podneseni su službeni izvještaji protiv osam lica, od kojih su tri povratnika.

Događaji sa obilježjem krivičnog djela izazivanje opće opasnosti evidentirani su na otvorenom prostoru – sedam i u školskim objektima – pet puta, pri čemu je pet puta registrovana upotreba vatrenog oružja, u dva slučaja je otvorenim plamenom izazvan požar i u pet slučajeva radilo se o lažnim dojavama o postavljenim eksplozivnim napravama u školskim objektima. Posljedice navedenih događaja su nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je deset događaja sa obilježjem krivičnog djela (dva više) i to: nasilničko ponašanje – šest, sprečavanje službene osobe u vršenju službene radnje, napad na službenu osobu u vršenju poslova sigurnosti, nedozvoljeno držanje oružja ili eksplozivnih materija i povreda mira pokojnika – po jedan događaj.

Nadležnom tužilaštvu podneseni su službeni izvještaji protiv 12 lica od kojih je šest povratnika (ili 50%), a osam je lišeno slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu aprilu 2023. godine evidentirano je šest događaja sa obilježjem krivičnog djela, u kojima je učestvovalo pet maloljetnih lica. U istom mjesecu 2022. godine nisu evidentirani događaji sa obilježjem krivičnog djela u kojima su učestvovala maloljetna lica. Prijavljeni maloljetnici su u dobi do 14 godina – jedan, od 14 do 16 – jedan, od 16 do 18 godina – tri maloljetnika. Među prijavljenim maloljetnim licima jedan je povratnik u izvršenju događaja sa obilježjem krivičnog djela.

#### STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU APRILU 2023/2022. GODINE

dogadjaji sa obilježjem krivičnog djela (KZ FBiH)	april 2023.	april 2022.
Teška tjelesna ozljeda	1	0
Lahka tjelesna ozljeda	1	0
Ugrožavanje sigurnosti	1	0
Neovlašćena proizvodnja i stavljanje u promet opojnih droga i nasilje u porodici	1	0
Nasilje u porodici	2	0
<b>UKUPNO</b>	<b>6</b>	<b>0</b>

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U toku aprila 2023. godine na području Kantona Sarajevo nije bilo aktiviranja minsko-eksplozivnih sredstava u odnosu na mjesec april 2022. godini kada su evidentirana dva događaja.

Evidentirano je 10 događaja anonimnih dojava o postavljenoj eksplozivnoj napravi, a odnosile su se na pravosudne i obrazovne ustanove.

U odnosu na mjesec april 2022. godine broj evidentiranih događaja o anonimnoj dojavi o postavljenoj eksplozivnoj napravi je manji za dva. Nakon KDZ pregleda utvrđeno je da su dojave bile lažne. Za sada su u dva slučaja identifikovani učinioci i protiv njih se preduzimaju zakonske mjere.

#### POŽARI

Tokom aprila 2023. godine, na području Kantona Sarajevo registrovano je pet požara (11 manje u odnosu na isti mjesec prethodne godine), koji su za posljedicu imali materijalnu štetu.

Požari su registrovani na području općina: Ilidža - tri i Novi Grad - dva požara.

Prema statističkim pokazateljima četiri požara su izazvana namjerno, a jedan zbog tehničkih nedostataka.

Požari su registrovani u:

- stambenom objektu - dva puta,
- saobraćajnom sredstvu - dva,
- ostalim objektima - jednom.

Zbog izazivanja požara nadležnom tužilaštvu podnesena su dva službena izvještaja iz člana 323 KZ FBiH (izazivanje opće opasnosti).

## SAMOUBISTVA

U mjesecu aprilu 2023. godine na području Kantona Sarajevo registrovana su četiri samoubistva (isto kao u mjesecu aprilu prošle godine). Sve žrtve su muškog spola.

## OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je pet pištolja, jedna puška, dva noža, jedna petarda, jedan bokser, dva predmeta podobna za nanošenje tjelesnih povreda i 62 komada municije različitog kalibra.

Tokom mjeseca aprila ove godine fizičkim licima izdato je 179 odobrenja za nabavku vatrenog oružja i 101 oružni list.

## JAVNI RED I MIR

Tokom aprila 2023. godine u oblasti protiv javnog reda i mira evidentiran je 401 prekršaj (23 ili 6,1% više u odnosu na isti mjesec 2022. godine), a za izvršenje navedenih prekršaja prijavljeno je 419 lica (36 ili 9,4% više), od čega je 108 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 296 naloga i podneseno 37 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 374 prekršaja (ili 93,3%), a na prekršaje koji su utvrđeni odlukom općinskih vijeća o javnom redu i miru 27 (ili 6,7%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (192), zatim stariji od 36 godina (143) i u dobi između 19 i 25 godina (84).

Prilikom narušavanja javnog reda i mira u mjesecu aprilu 2023. godine, nije bilo teže povrijeđenih lica (isto kao u aprilu 2022. godine), dok je osam lica (isto kao u aprilu 2022. godine) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC APRIL 2023/2022.GODINA

STRUKTURA PREKRŠAJA	APRIL 2023. GODINE	APRIL 2022. GODINE	uporedba	
			+/-	%
<b>-Tuče</b>	<b>21</b>	22	-1	4,5%
<b>-Naročito drsko ponašanje</b>	<b>38</b>	24	14	58,3%
<b>-Odbijanje naređenja i omalovaž. pol. služb.</b>	<b>19</b>	20	-1	5%
<b>-Neovlaštena upotreba oružja</b>	<b>1</b>	---	1	---
<b>-Paljenje petardi</b>	<b>2</b>	---	2	---
<b>-Prosjačenje</b>	<b>164</b>	205	-41	20%
<b>-Svađa, vika, nepristojno ponašanje</b>	<b>9</b>	15	-6	40%
<b>-Uživanje opojne droge na javnom mjestu</b>	<b>56</b>	12	44	366,7%
<b>-Ostali prekršaji iz Zakona o JRiM</b>	<b>64</b>	51	13	25,5%
Prekršaji prema Odluci općinskog vijeća o JRiM	<b>27</b>	29	-2	6,9%
ukupno	<b>401</b>	378	23	6,1%

U odnosu na april prethodne godine, prema strukturi prekršaja povećan je broj sljedećih prekršaja:

- uživanje opojne droge na javnom mjestu za 44 ili 366,7%,
- naročito drsko ponašanje za 14 ili 58,3%,
- ostali prekršaji za 13 ili 25,5%,
- paljenje petardi za dva (u uporednom mjesecu nije bilo evidentiranih prekršaja),
- neovlaštena upotreba oružja za jedan prekršaj (u uporednom mjesecu nije bilo evidentiranih prekršaja).

dok je smanjen broj prekršaja:

- prosjačenje za 41 ili 20%,
- svađa, vika, nepriстойno ponašanje za šest ili 40%,
- tuče za jedan ili 4,5% i
- odbijanje naređenja i omalovažavanje policijskih službenika za jedan prekršaj ili 5%.

Broj prekršaja koji su regulisani Odlukom općinskih vijeća je smanjen za dva ili 6,9 %.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (386 ili 96,2% od ukupnog broja), a znatno manje u ugostiteljskim objektima – tri, na sportskim stadionima i dvoranama – dva, u trgovinama i zanatskim radnjama – jedan i na ostalim mjestima – devet prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC APRIL 2023/2022. GODINE

MJESTO IZVRŠENJA	APRIL 2023. GODINE	APRIL 2022. GODINE	+ - %
Ugostiteljski objekti	<b>3</b>	2	1 ili 50%
Ulice i drugi otvoreni prostori	<b>386</b>	355	31 ili 8,7
Vozila javnog saobraćaja	---	1	-1
Sportski stadioni i dvorane	<b>2</b>	4	-2 ili 50%
Škole i školska dvorišta	---	---	---
Trgovine i zanatske radnje	<b>1</b>	1	isto
Ostala mjesta	<b>9</b>	15	-6 ili 40%
UKUPNO	<b>401</b>	378	23 ili 6,1%

U odnosu na isti mjesec 2022. godine, povećan je broj prekršaja na ulicama i drugim otvorenim prostorima za 31 i u ugostiteljskim objektima za jedan, dok je smanjen broj prekršaja na ostalim mjestima za šest i na sportskim stadionima i dvoranama za dva prekršaja. U odnosu na mjesec april 2022. godine (jedan prekršaj) u vozilima javnog saobraćaja nije zabilježen niti jedan prekršaj.

Na području Kantona Sarajevo u aprilu 2023. godine održano je 395 javnih skupova. Policijski službenici Uprave policije proveli su planske aktivnosti u cilju bezbjednog održavanja javnih skupova, a u 82 slučaja izvršeno je KDZ osiguranje.

## SAOBRAĆAJ

Na području Kantona Sarajevo tokom aprila 2023. godine registrovano je 876 saobraćajnih nezgoda (431. ili 96,8 % više nego u aprilu 2022. godine), od čega je 806 sa materijalnom štetom (417 ili 107,2 % više) i 70 sa nastradalim licima (14 ili 25 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU APRILU 2023./22. GODINE

	april 2023. godine	april 2022. godine	uporedba	
			+/-	%
UKUPNO SAOBRAĆAJNIH NEZGODA	876	445	+ 431	+ 96,8 %
Saobraćajne nezgode sa nastradalim licima	70	56	+14	+ 25 %
Saobraćajne nezgode sa materijalnom štetom	806	389	+ 417	+ 107,2 %
POGINULO LICA	2	1	+ 1	+ 100 %
- vozači	1	1	----	-----
-putnici	0	0	-----	-----
- pješaci	1	0	+ 1	-----
POVRIJEĐENO LICA	87	77	+ 10	+ 13 %
- vozači	49	42	+ 7	+ 16,7 %
- putnici	27	20	+ 7	+ 35 %
- pješaci	11	15	- 4	- 26,7 %

U naselju je registrovano 775 saobraćajnih nezgoda (dvije sa poginulim, 62 sa povrijeđenim licima i 711 sa materijalnom štetom), van naselja 101 nezgoda (šest sa povrijeđenim licima i 95 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU APRILU 2023. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	10	52	711	775	2	10	71
van naselja			6	95	101			6
<b>UKUPNO</b>	<b>2</b>	<b>10</b>	<b>58</b>	<b>806</b>	<b>876</b>	<b>2</b>	<b>10</b>	<b>77</b>

Prema kategoriji puta, najveći broj saobraćajnih nezgoda registrovan je:

- na ulicama u naselju - 426 nezgoda u kojima je 51 lice nastradalo (jedno lice poginulo, 50 lica povrijeđeno, osam teže i 42 lakše),
- na magistralnim putevima - 184 nezgode u kojima su 24 lica nastradala (jedno lice poginulo, 23 lica povrijeđena, dva teže i 21 lakše),
- na lokalnim putevima - 129 (osam lica lakše povrijeđeno),
- na regionalnim putevima - 33 (dva lica lakše povrijeđena),
- na putevima koji se ubrajaju u kategoriju ostalih - 104 nezgode u kojima su četiri lica lakše povrijeđena.

POSLJEDICE SAOBRAĆAJNIH NEZGODA

Tokom mjeseca aprila 2023. godine, u saobraćajnim nezgodama na području Kantona Sarajevo 89 lica je nastradalo (11 ili 14,1 % više). Dva lica su poginula (jedno ili 100 % više), dok je 87 lica povrijeđeno (10 ili 13 % više), od čega 10 teže (jedno lice ili 11,1 % više) i 77 lakše (devet ili 13,2 % više).

Od ukupno 87 povrijeđenih lica evidentirano je: 49 vozača (dva teže i 47 lakše), 27 putnika (četiri teže i 23 lakše) i 11 pješaka (četiri teže i sedam lakše).



Starosna struktura nastradalih lica u saobraćajnim nezgodama je slijedeća:

- od šest do devet godina - dva lica,
- od 18 do 20 godina - sedam,
- od 21 do 24 godine - 11,
- od 25 do 30 godina - 20,
- od 31 do 40 godina - 17,
- od 41 do 50 godina - 13,
- od 51 do 65 godina - 11,
- 66 i više godina - šest,
- nepoznata starosna dob - dva lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - devet,
- od 23 do 30 godina - 19,
- od 30 do 40 godina - 11,
- od 40 do 50 godina - devet,
- od 50 do 60 godina - dva lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- ostali uzroci - 769 (dva lica poginula, 60 lica povrijeđeno, 10 teže i 50 lakše),
- neprilagođena brzina - 103 (27 lica lakše povrijeđeno),
- uticaj alkohola - četiri (bez nastradalih lica).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

U toku aprila 2023. godine, policijski službenici Uprave policije MUP-a Kantona Sarajevo kontrolisali su:

- 16.154 vozila i vozača (1.184 više),
- 6.866 lica u vozilima (3.451 više),
- pregledali 316 vozila (107 manje) i 281 lice u vozilima (106 manje).

Zbog tehničke neispravnosti iz saobraćaja je isključeno 38 vozila (16 manje), 97 vozača je zatečeno da upravljaju vozilom pod dejstvom alkohola (53 više), 355 vozača bez korištenja sigurnosnog pojasa (40 manje), 163 vozača bez položenog vozačkog ispita (57 više), 59 vozača pod izrečenom zaštitnom mjerom (11 više), 466 vozača je zatečeno da koriste mobitel tokom vožnje (180 više) i 1.665 vozila koja su učestvovala u saobraćaju bez važeće registracije (1.454 više).

Zbog kršenja propisa iz oblasti sigurnosti saobraćaja uručeno je 17.616 prekršajnih naloga vozačima (3.427 ili 24,1 % više u odnosu na mjesec april prošle godine) i podnesena 173 zahtjeva za pokretanje prekršajnog postupka (80 ili 31,6 % manje).

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom

u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

Tokom aprila od višestrukih povratnika u vršenju prekršaja iz oblasti ZOOBS-a nije bilo oduzetih motornih vozila.

#### MIRUJUĆI SAOBRAĆAJ I KONTROLA PJEŠAKA

Policijski službenici su tokom aprila 2023. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 8.503 prekršajna naloga (1.204 više), upozoreno je 214 vozača (pet više), a specijalnim vozilom "pauk" premješteno je 129 vozila (27 više).

Također, pješacima koji su kršili propise uručeno je 114 prekršajnih naloga (dva više), a upozoreno je šest pješaka (10 manje).

#### ZAKONITOST U RADU

Tokom aprila 2023. godine, registrovan je jedan pojedinačni napad (u uporednom mjesecu nije bilo napada) na policijske službenike Uprave policije MUP-a Kantona Sarajevo.

Također, registrovan je jedan slučaj (u istom mjesecu prošle godine nijedan) opravdane upotrebe sile od strane policijskih službenika Uprave policije MUP-a Kantona Sarajevo.

Zaprimljeno je 18 predstavki na rad policijskih službenika Uprave policije MUP-a Kantona Sarajevo i pet saznanja iz službe, što čini ukupno 23 predmeta.

Nakon razmatranja Odbor za žalbe građana Skupštine Kantona Sarajevo donio je zaključak da se za dvije predstavke (deset manje) provede unutrašnja istraga, dok je za 16 predavki odlučeno da se izvrše provjere i prikupi dokumentacija. Uz pet saznanja iz službe, unutrašnje istrage se vode za ukupno sedam predavki.

Okončano je šest unutrašnjih istraga, od čega su tri bile bez dovoljno dokaza, u dva slučaja istrage su neosnovane, dok je u jednom slučaju istraga osnovana.

#### RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Za učenike osnovnih i srednjih škola na području Kantona Sarajevo u mjesecu aprilu održano je 75 edukativnih radionica sa slijedećim temama:

- „Djeca u saobraćaju“,
- „Stop vršnjačkom nasilju“,
- „Cyberbullying“,
- „Oružje ne štiti, oružje ubija“,
- „Borba protiv trgovine ljudima“,
- „Stop drogama“,
- „Lopov uvijek bude otkriven“,
- „Policajac moj prijatelj“,

- „Prevenција maloljetničkog prijestupništva“,
- „Postupanje u slučajevima anonimnih dojava o postavljenim bombama u školama-štetnosti pojave“.

Također, tokom mjeseca aprila ove godine realizovane su slijedeće aktivnosti:

- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Ostvarivani kontakti sa predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora,
- Učestvovanje na četiri multisektorska sastanka u cilju preveniranja neželjenih događaja i ponašanja u i oko škola,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitnih mjera, veći stepen sigurnosti za žrtve kao i preventivno djelovanje na eventualno ponavljanje nasilja,
- Ostvarivani su kontakti sa građanima iz ugroženih kategorija, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela,
- Ostvarivani kontakti sa sekretarima i članovima savjeta mjesnih zajednica, u cilju unapređenja osjećaja sigurnosti i jačanja povjerenja građana u rad policije.

## MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 592 migranta (568 ili 49% manje).

U mjesecu aprilu 2023. godine migranti nisu učestvovali u događajima sa obilježjem krivičnog djela (u aprilu 2022. godine evidentiran je jedan događaj).

Tokom mjeseca aprila 2023. godine, službenici policije proveli su jednu akciju, kontrolisali četiri migranata, od čega jedan nije posjedovao registracijski obrazac i svi su smješteni u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC APRIL 2023. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	592
UKUPAN BROJ KONTROLISANIH MIGRANATA	4
BROJ MIGRANATA LIŠENIH SLOBODE	0
BROJ KRIVIČNIH DJELA POČINJENIH OD STRANE MIGRANATA	0
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	1
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	1
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	4

Sarajevo, 15.05.2023. godine

Odjeljenje za odnose s javnošću